

## GUIZABURUAGA / GIZABURUAGA

*Bilbon, 1995.eko urtarrilaren 25ean*

*Javier Goikoetxea jauna,  
Gizaburuagako alkatea*

Jaun agurgarria:

Alboan igortzen dizut Akademia erakunde honen Onomastika batzordeak joan den ostiralean, bere egoitzan egindako bilkuran, beste gai batzuen artean, zuen Udalaren izenari buruzko irizpena, euskal grafiaz ofizialtzeko espedientea burutu dezazuen. Baita ere Mugartegiren ikerketan lehenengoz nola agertzen den herri horren izena Ziortzako Kolegiataren kortabaso bat zen garaikoa eta hortik hartuta Alfonso Irigoien euskaltzain batzordekidearen txostena.

Besterik ez, izan ongi.

J.L. Lizundia, idazkariordea

Mikel Gorrotxategi Nieto, Euskaltzaindiaren Onomastika batzordeko idazkaria denak, ondoko

IRIZPEN HAU ematen du:

Elkargo akademiko honek prestatutako eta onartutako *Euskal Herriko Udalen Izendegian*, bere 299. zenbakia daraman izena, eta orain arte Administrazioaren erabilera ofizialean *Guizaburuaga* deitua, euskal aldaera ofizialean *Gizaburuaga* dela.

Ondorioz, batzorde honek hil honetako hogeian egoitza honetan eginiko bilkuran berresten du Udal honen euskal izena *Gizaburuaga* dela.

Eta hala adierazteko eta bertako Udalbatzari bidaltzeko izenpetzen dut, Bilbon mila bederatziehun eta laurogeita hamabosgarreneko urtarrilaren hogeita bostean.

Mikel Gorrotxategi,  
batzorde-idazkaria

On ikusia:  
E.Knörr, batzordeburua